



Број/Број: 03-/4-50-1-10-8-11/08  
Сарајево/Сарајево: 20. 1. 2008. године

## IZVJEŠTAJ O RADU ZAJEDNIČKE KOMISIJE ZA EVROPSKE INTEGRACIJE ZA 2007. GODINU

### 1. Uvodne napomene

Nadležnosti Zajedničke komisije za evropske integracije PSBiH (u daljem tekstu: Zajednička komisija) regulisane su članom 57. Poslovnika Predstavničkog doma PSBiH i članom 51. Poslovnika Doma naroda.

Zadaci Zajedničke komisije su da:

- Raspravlja opšta pitanja koja se odnose na evropske integracije;
- Prati izvršavanje prava i obaveza BiH proizašlih iz međunarodnih ugovora koji se odnose na Vijeće Evrope;
- Koordinira rad matičnih tijela u vezi sa evropskim integracijama i dostavlja im mišljenja, preporuke i upozorenja;
- Analizira posljedice integracijske strategije po BiH i priprema sveobuhvatne izvještaje
- Nadgleda i prati provođenje obaveza iz Sporazuma o stabilizaciji i pridruživanju pretpriputne i pristupne strategije BiH;
- Nadgleda provođenje usklađivanja zakona BiH sa Acquis Communautaire;
- Saradnja sa institucijama EU, BiH (posebno sa Direkcijom za evropske integracije), i drugih zemalja u vezi sa pitanjima integracija i vrši druge poslove vezane za evropska pitanja koja ne spadaju u djelokrug ostalih radnih tijela;
- Održavanje javnog saslušanja u vezi sa pitanjima evropskih untegracija radi prikupljanja mišljenja i stavova predstavnika civilnog društva, nevladinih organizacija, intelektualaca, kao i vladinih i nevladinih eksperata u određenim oblastima;

U periodu od 21. 3. 2007. kada je konstituirana Zajednička komisija, do 31.12. 2007. godine. održano je 7 sjednica Zajedničke komisije.

Komisija je u ovom sazivu Parlamentarne skupštine BiH konstituirana na 1. sjednici održanoj 21. 3. 2007. godine, izborom predsjedavajućeg, te prvog i drugog zamjenika predsjedavajućeg Zajedničke komisije.

Zajednička komisija ima 12 članova, po 6 iz oba doma.

Članovi Zajedničke komisije su: Halid Genjac, predsjedavajući, Ivo Miro Jović, prvi zamjenik predsjedavajućeg; Drago Ljubičić, drugi zamjenik predsjedavajućeg, Zoran Koprivica, Hilmo Neimarlija, Milica Marković, Alma Čolo, Azra Hadžiahmetović, Branko Dokić, Selim Bešlagić, Šemsudin Mehmedović i Rudo Vidović.

Komisija se bavila sljedećim pitanjima i aktivnostima koje su joj propisane poslovnica oba doma:

## **2. Aktivnosti komisije**

**Kao tematske tačke dnevnog reda, Zajednička komisija je razmatrala:**

- Informacija o aktivnostima Pregovaračkog tima BiH u pregovorima sa Evropskom unijom;  
Izlaganje – Igor Davidović, glavni pregovarač BiH
- Informacija Ministarstva inostranih poslova o aktivnostima Pakta stabilnosti sa posebnim osvrtom na njegovu transformaciju u Regionalni centar za saradnju;  
Izlaganje – Nedžad Hadžimusić, ambasador; - Dragan Božanić, nacionalni koordinator za Pakt stabilnosti;
- Informacija o aktivnostima Direkcije za evropske integracije u procesu ispunjavanja obaveza BiH prema Evropskoj uniji;  
Izlaganje – Osman Topčagić, direktor Direkcije za evropske integracije,
- Prezentacija redovnog godišnjeg Izvještaja Evropske komisije o napretku Bosne i Hercegovine za 2007. godinu, u procesu evropskog integrisanja;  
Izlaganje – Jan Truszczyński, zamjenik generalnog direktora Evropske komisije za proširenje EU; Dimitris Kourkoulas, šef Delegacije Evropske komisije u BiH
- Razmatranje Izvještaja o napretku Bosne i Hercegovine u 2007. godini;  
Uvodno izlaganje: Osman Topčagić, direktor Direkcije za evropske integracije

### 3. Sjednice Zajedničke komisije

- **1. Sjednica** održana je 21. 3. 2007. godine., sjednici su prisustvovali svi članovi Zajedničke komisije osim Azre Hadžiahmetović i Branka Dokoića, koji su opravdano odsustvovali. Na dnevnom redu je bio izbor predsjedavajućeg, te prvog i drugog zamjenika predsjedavajućeg Zajedničke komisije.
- **2. Sjednica** održana je 16. 4. 2007. godine., nakon što je usvojen Plan rada za 2007. godinu, raspravljalo se o prijedlozima i sugestijama Zajedničke komisije za plan rada Doma naroda i Predstavničkog doma. Na dnevnom redu bila je i priprema seminara za članove Zajedničke komisije o iskustvima drugih zemalja u procesu pridruživanja EU (uz podršku misije OSCE-a u BiH). Ivo Miro Jović, Selim Bešliagić, Azra Hadžiahmetović i Milica Marković opravdano su odsustvovali.
- **3. Sjednica** održana je 31. 5. 2007. godine., razmatrane su informacije o aktivnostima pregovaračkog tima i aktivnostima Pakta stabilnosti i Regionalnog centra za saradnju. Azra Hadžiahmetović, Rudo Vidović i Hilmo Neimarlija opravdano su odsustvovali.
- **4. Sjednica** održana je 20. 6. 2007. godine., na dnevnom redu bila je priprema delegacije za 9. međuparlamentarni sastanak Zajedničke komisije sa Delegacijom Evropskog parlamenta za Jugoistočnu Evropu. Selim Bešliagić, Hilmo Neimarlija, Milica Marković, Azra Hadžiahmetović i Branko Dokić opravdano su odsustvovali.
- **5. Sjednica** održana je 31. 10. 2007. godine., na dnevnom redu su bile informacije o održavanju seminara u organizaciji OSCE-a, Program jačanja zakonodavne vlasti, te informacija o održavanju 10. interparlamentarnog sastanka sa Delegacijom Evropskog parlamenta za saradnju sa zemljama Jugoistočne Evrope, koji se ove godine održava u 4. i 5. februara u Sarajevu. Sjednici su prisustvovali svi članovi zajedničke komisije, osim Ruda Vidovića, koji je opravdano odsustvovao.
- **6. Sjednica** održana je 7. 11. 2007. godine, na dnevnom redu je bila prezentacija redovnog Godišnjeg izvještaja o napretku BiH u procesu evropskih integracija za 2007. godinu, Izvještaj su prezentovali Jan Truszczyński, zamjenik generalnog direktora Evropske komisije za proširenje i Dimitris Kourkoulas, šef Delegacije Evropske komisije za BiH. Iako nije bilo kvoruma, sjednica je održana jer je prezentovan Izvještaj Evropske komisije o napretku BiH. Sjednici su prisustvovali: Halid Genjac, Alma Čolo, Branko Dokić, Milica Marković, Selim Bešliagić i Azra Hadžiahmetović.
- **7. Sjednica** održana je 20. 12. 2007. godine, razmatran je Izvještaj o napretku BiH u 2007. godini, uvodno izlaganje dao je Osman Topčagić, direktor Direkcije za evropske integracije. Azra Hadžiahmetović, Rudo Vidović, Hilmo Neimarlija i Zoran Koprivica opravdano su odsustvovali.

#### **4. Međunarodne aktivnosti Zajedničke komisije**

Članovi Zajedničke komisije: Halid Genjac, Ivo Miro Jović, Šemsudin Mehmedović i Branko Dokić učestvovali su na redovnom godišnjem sastanku sa članovima Delegacije Evropskog parlamenta za odnose sa zemljama Jugoistočne Evrope, održanom u Briselu 28. 6. 2007. godine.

Članovi Zajedničke komisije: Alma Čolo, Ivo Miro Jović i Branko Dokić učestvovali su na redovnom polugodišnjem sastanku radnih stolova Pakta stabilnosti Jugoistočne Evrope, održanog u Tirani 3. i 4. 12. 2007. godine.

Izveštaji sa ovih sastanaka podneseni su kolegijima oba doma.

**Članovi Zajedničke komisije prisustvovali su određenom broju seminara, te studijskih posjeta, navedenih u nastavku:**

- Seminar NDI na temu Evropska unija – institucije, procesi i donošenje odluka, održan je 18. 6. 2007. godine u zgradi Parlamenta,
- Seminar u organizaciji OSCE-a, Program jačanja zakonodavne vlasti, održan 5. 7. 2007. u zgradi Parlamenta; specijalni gost seminara bio je Anton Kokalj, predsjedavajući Komisije za evropske poslove Parlamenta Slovenije.
- Studijska posjeta evropskim institucijama u Briselu u organizaciji NDI-a. Zajedničku komisiju predstavljali su Halid Genjac i Drago Ljubičić.

**Aktivnosti koje je Zajednička komisija sama inicirala:**

Zajednička komisija je inicirala i organizovala sastanak sa predsjedavajućom Delegacije Evropskog parlamenta za saradnju sa zemljama Jugoistočne Evrope, Doris Pack i poslanikom u Evropskom parlamentu, Hannesom Swobodom. Na sastanku su učestvovali i predsjedavajući klubova stranaka zastupljenih u Parlamentu BiH. Glavna tema razgovora na ovom sastanku bila je reforma policije.

**Saradnja sa BiH institucijama:**

U svom radu, Zajednička komisija PSBiH, uspostavila je čvrstu i kontinuiranu saradnju sa Direkcijom za evropske integracije i Uredom glavnog pregovarača, a u stalnoj saradnji je i sa Ministarstvom inostranih poslova, te drugim tijelima vlasti.

**Saradnja sa međunarodnim organizacijama:**

Zajednička komisija za evropske integracije PSBiH održava kontinuiranu saradnju sa OSCE-om-Program jačanja zakonodavne vlasti, kao i sa NDI-em, Nacionalnim demokratskim institutom.

Predstavnici OSCE-a se redovno pozivaju na sjednice Zajedničke komisije i informišu o svim aktivnostima Komisije. Prilikom organizovanja seminara na temu evropskih integracija, OSCE je konsultovao Zajedničku komisiju u vezi sa odabirom tema koje će se naći na dnevnom redu i uvažavajući prijedloge i sugestije Zajedničke komisije.

OSCE je organizovao i poseban program seminara za parlamentarne službenike zaposlene u Zajedničkoj komisiji o evropskim integracijama.

## **Rezime**

Na osnovu navedenih aktivnosti, može se konstatovati da je Zajednička komisija u okviru svojih nadležnosti propisanih poslovnica, kao i sadržajem rada u Planu, u izvještajnom periodu, uspješno realizovala većinu postavljenih zadataka. Treba imati u vidu da se sa realizacijom određenih aktivnosti kasnilo, ili nisu mogle biti realizovane, iz objektivnih razloga, i to isključivo zbog neophodnog usklađivanja sa aktivnostima drugih relevantnih institucija. Važno je naglasiti da je Zajednička komisija uspješno realizovala i određene aktivnosti koje nisu bile uvrštene u Plan rada ali su zbog njihove važnosti razmatrane.

Zajednička komisija ukazuje na nedostatak adekvatnog prostora za rad Komisije.

Zajednička komisija će u narednom periodu nastaviti kontinuirane aktivnosti na praćenju, analizi i nadgledanju aktivnosti svih relevantnih institucija u procesu pridruživanja EU, kao i sa realizacijom aktivnosti sadržanih u Planu rada.

Predsjedavajući  
Zajedničke komisije

  
Halid Genjac